

Theilhard di Chardin a dit :

« Tot c'ki gripe s' va ridjonde. »
 « I gn' a k' on Mau : l' dèsuniyon »
 « Tos lès cias ki volenut dîre l' vèrité avant l' eûre ont dèz tchances di s' voye lomer èrètisses. »
 « Kand dins on vikant, po l' prumêre fîye, l' instinct s' a vèyu dins l' mirwè d' li minme, c' èst tote li Daegne k' a stî pus lon d' ène ascauchîye. »
 « L' amoûr èst l' pus univiersèle, l' pus formidâbe èt l' pus mistèrieuse dèz cosmikès ènèrdjîyes. »
 « L' pus pitite nokète ki s' fwarme au monde vènt todi d' ène formidâbe astchèyance. »
 « Rén n' si pout comprinde foû di s' n' istwêre. »
 « Dins l' drwèt do djeû, c' èst oûte dèz riles d' volu comparer deus omes ki n' ont nin viké l' minme tins. »
 « L' monde, dji l' sin co d' pus, c' è-st-ène grande èt tèrèbe afêre. »
 « C'n' èst nin d' on face à face, d' on cwêr à cwêr k' on a dandjî, c' èst don keûr à keûr. »
 « É l' Monde, l' ome s' a muchî sins pont fé d' brût. »

AMON NOS ÔTES

i gn' avève dèz djins ki fyîne li ritchèsse do payis tot s' sièrvant d' leûs caûrs come di leû tièsse. Asteûre, on è nn' a onk ki, po s' fé co pus d' liârd, n' saît pus k' vinde nos ritchèsses à l' ètrandjîr'. I s' a arindjî po mète foû à l' uxe lès rinnes d' RTL, PETROFINA, BBL, l' ROYALE BELDJE, ELECTRABEL, DUPUIS... Sès bènèfices rissatchîs d' l' Almagne, BERTELMAN, dèl' France, HAVAS, vont-is, tot d' minme, aspouyî ène sakwè d' vèci ? Èst-i co, di s' keûr, nosse frêre, Walon ?

27 au cint d' VB, èt ls ôtes ?

Èrman Decrô, a wazu dîre :
 « On 1/3 dèz Walons vikenu dsus l' dos d' l' État. Dj' èl sé bin mins, si on lzeû rissatche cès sakants miyârd, nos alans trover à nos frontîres (Flande) on ptit apôvri peûpe. Adonpwis, k' èst-ce ki s' va passer ? On

riskêye di n' pus ièsse à iute, nos, lès Flaminds. »

Il a ptète dèdjà peû k' on d' ale briber à s' maujone nos mwin dissus nos canivèts mins, tot dijant çoula i pwate co do grin à moûre aus nwârs molins.

Dins l' lîve « Le Labyrinthe belge »

da Geert Van Istendael, Flamind, on pou lire :
 « ...è l' Flande, on vwèt èvi l' politike. Dji n' l' a mauy oyu dîre pa m' popa, mins pa mès mononkes èt mès matantes, pa mès mèsses di scole èt lès djints ki dji rèscontère dins lès reuwes – po tot dîre, pa tos costés, dj' ore dîre ki l' politike è-st-ène bèle saloperîye, ki tos lès politikîs ni fêyenu ki s' è mète plin leûs potches, k' is n' tègnenu mauy leûs promèsses èt k' totès lès mariminces vèlà, lon èri à Brussèle, n' ont rin à vîre avou zèls. L' cia k' a ça è s' tièsse pout à s' n' auje vôte po l' VB èt djouwer insi avou lès kinikes di tos lès tant vèyu èvi politikîs. Lès djints do VB, sont-is dèz politikîs ? Nin vrèmint. Grâce au « sanitère » cwardia, i n' vont mauy ariver, on l' pout èspèrer, au povwêr. (...) L' Flande èst l' pus ritche dèz rédjons dèl ritche Urope. On î a mwins d' difèrinces èteûre lès ritches èt lès pôves k' ôte pau. Nos scoles sont mèrboûnes èt au laudje po tèrtos. Nost' assurance maladêye è-st-on modèle po l' monde ètîr. Nos maujones ont dèz bèles places èt on î a totès nos aujes. Maugré tot on s' sint sicroté. Pa ki ? Pa tèrtos. Pa cès fênèyants d' Walons. Pa l' vile di Brussèle ki n' nos vwèt nin voltîye. Pa cès mannèts Marokins. Cès Polonès maû afûrlés. Pa cès voleûs d' cwêreû d' asile. L' imadjinêre misère flaminde èst l' cine d' on pourri èfant. L' Flande è-st-on djonîa ki tchoûle tot èstant astoké à s' moncia d' jouwèts k' ont tchèr èt vilin costé. Lès djoûs d' vôtâdje i tape autoû d' li avou mèchansté. Dji vwèt trop laudje. On Flamind dsus kwat li fait. Mins c' è-st-on chife ki fait peû. »

L' aroke, c' èst k' i gn' a pont d' astanche, nos vola dèdja à 27 au cint. Djusse po l' plêji d' em... lès ôtes ?

L' égalité, ça vout dîre k' on èst tèrtos dissus l' minme pîd. Bèle idêye. On dirève ki sakants ralachisses roterîne voltîye dissus lès nosses.